



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1624. usque ad annum 1627

**Fleury, Claude**

**August. Vind. [u.a.], 1778**

**VD18 90118863**

§. 82. Libellus supplex Universitatis Parisinæ ad Regem ejusque Senatum  
contra Jesuitarum redintegrationem.

---

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

atque fides, dum vita supererit, dum Li-  
 terarum nomen vivet. Quam certo sci-  
 mus de nobis opinionem, neque illustrissimi  
 Regis in animo, istorum Calumniæ immi-  
 nent: Et tu Vir Sapientissime, pro tua  
 in Dulcissimam altricem caritate, Et hoc  
 ipsa orat, obsecratque, confirmabis.

## §. LXXXII.

*Libellus supplicis Universitatis Pari-  
 sienne ad Regem, ejusque Sena-  
 tum contra Jesuitarum  
 redintegrationem.*

Non deerant inter ipsos Comitiorum  
 Præsules nonnulli ex Clero Depu-  
 tati, qui Jesuitas in suo Claramontano  
 Collegio Parisiis restaurari peterent,  
 hancque petitionem ad Comitiorum  
 acta referrent. Hoc comperto Univer-  
 sitas Parisiensis ceterarum nomine Regi  
 ejusque Senatui exposuit. I. Quod  
 hic articulus seu petitio duntaxat Je-  
 suitarum sollicitatione, & privata quo-  
 rundam auctoritate fuerit intrusa. II.  
 Quod Cardinalis Perronius Jesuitis præ-  
 fatum quidem Collegium restaurari sua-  
 serit, ea tamen lege, ut omnia reliqua  
 Collegia, quæ ex Henrici IV. liberali-  
 tate acceperunt, vel erexerunt, dese-  
 rerent: si ergo id sine fraude & re ipsa  
 Jesui-

*Argentre  
 l. c. p. 187.  
 Ex Archivo  
 S. Facult.  
 Theol. Paris.*

Sæc. XVII. Jesuitæ præstiterint, Universitas Col-  
 A. C. 1625 legium Claromontanum redintegrari  
 concederet. III. Cum autem hanc  
 conditionem a Jesuitis respui, Univer-  
 titati notum esset, uti præcipui eorum  
 palam declarassent, retentaque om-  
 nium Collegiorum possessione simul in  
 Claromontano Collegio restabili de-  
 siderarent, ut ibi, prout ante suam  
 expulsionem, denuo prælegere pos-  
 sent; hinc probe perpendendum, quod  
 Jesuitas ad hasce exercitationes  
 prout Collegii Jesuitici Deputati  
 tam impense petunt, revocare, nec  
 utile nec necessarium sit; quantum e-  
 nim ad humaniores literas, hæc in pri-  
 mis Universitatis classibus longe melius  
 edocentur, quam in quovis Jesuitarum  
 Collegio, prout patet ex majori profes-  
 sione, quem harum classium Scholares  
 tam in Prosa quam versibus latinis &  
 Græcis faciunt: Quoad Philosophiam  
 autem, hæc nullibi adeo docte, exacte  
 ac breviter edocetur, quam Parisiis,  
 ubi duodecim Philosophiæ collegia  
 numerantur, in quorum quatuor recen-  
 sentur plusquam sexcenti Philosophi.  
 Quod vero spectat ad Theologiam, sex  
 lectores quotidie ab hora octava matu-  
 tina usque ad quintam vespertinam in  
 Sorbona prælegunt, præter alios, qui  
 gratis Theologiam tradunt, quorum  
 Colle-

Collegia plusquam quingenti Scholares Sæc. XVII.  
 frequentant. IV. In Regis beneficium, A. C. 1625.  
 commune Regni bonum, urbisque Pa-  
 risinæ tranquillitatem vel maxime re-  
 dundat, Jesuitas præcipue a Theologiæ  
 professione excludi, eoquod Sorbona  
 cum Jesuitarum Theologia tam specu-  
 lativa quam practica minime concordet,  
 inde vero sequatur, quod sententias,  
 quas Jesuitæ propugnant, Universita-  
 tis Lectores damnarent, uti tam in  
 Duacensi quam Lovaniensi Academia  
 novissime accidit, ubi Universitatis Do-  
 ctiores propositiones triginta a Jesuitis  
 publice traditas damnarunt, & per  
 quemdam Doctorem Romam delatas  
 a sua Sanctitate censuris perstringi pe-  
 tierunt. Præterea Jesuitæ quasdam  
 opiniones *tanquam fidei dogmata* tradunt,  
 quas tamen Sorbona ad fidei dogmata  
 non revocat, id vero valde perniciosum  
 est, ac exinde tandem inter ipsos Ca-  
 tholicos schisma progerminari possit.  
 Dein Jesuitæ in Theologia practica  
 quosdam conscientia casus decidunt,  
 quos tamen Sorbona damnat ac rejicit,  
 v.g. esse licitum imo & laudabile, pro  
 beneficio pecunias *per modum motivi,*  
*non autem per modum pretii* dare. Pe-  
 tunt quidem Deputati, Jesuitas an-  
 nuente Rege in Collegium Claromon-  
 tanum reduci, ea lege, ut Universitati  
 aggre-

Sæc. XVII. aggregarentur: verum id concedi ne-  
 A. C. 1625. quit; si enim Jesuitæ semel ad Universi-  
 tatem admitterentur, cum gratia va-  
 leant, atque ad artes compositi sint,  
 brevi Sorbonam sibi solis non sine lu-  
 culento Religionis, Regnique damno  
 vindicabunt, idque tanquam fidei do-  
 ctrinam venditabunt, quod Sorbona  
 negat, & si (quod Deus avertat) duo  
 Pontifices per diversas Cardinalium  
 factiones eligerentur, Rege Sorbonam  
 consulente, cui tanquam legitimo in-  
 hærendum? Jesuitæ pro eo, quem suæ  
 Societati magis proficuum censuerint,  
 decident, vel si inter Principes Chri-  
 stianos dissidium oriretur, quæstione  
 ad Sorbonam delata, Jesuitæ privatam  
 Societatis commodum communi Regni  
 utilitati præferentes, in illius exteri Prin-  
 cipis favorem responderent, unde am-  
 plior eis utilitas speranda foret: Sor-  
 bona autem (exclusis Jesuitis) non a-  
 liam tam in fide, quam Religione, nisi  
 Gallicam spirat auram, nec exteri Prin-  
 cipis, sed solius Regis sui obsequio ad-  
 stricta est. His igitur expositis Uni-  
 versitas Regi, ejusque Senatus supplic-  
 abat, ut si Jesuitæ pro se sententiam  
 extorsuri essent, Rex totam causam  
 judicio sui Parlamenti relinquere, &  
 ad Universitatis Parisinæ incrementum  
 Jesuitis, ne in Collegiis citra Lige-  
 rim

rim sitis Philosophiam & Theologiam Sæc. XVII.  
 tradant, inhibere velit, præcipue cum A. C. 1625.  
 Henricus IV. etsi Jesuitas divitiis, fa-  
 vore, & gratia locupletissime cumula-  
 rit, nunquam tamen literas Regias,  
 quas pro Theologica Cathedra a Jesuitis  
 regenda concedere sollicitabatur, ad  
 acta sine Universitatis consensu referri  
 voluerit, probe prospiciens, quod inde  
 Regni quies, ac speciatim Urbis Pari-  
 sianæ tranquillitas turbari posset: ex  
 quo luculenter testatum fecit, quod  
 magis petentium opportunitate devi-  
 ctus, quam propriæ voluntatis arbitrio  
 has literas concesserit.

Hæ Parisiensis Universitatis ratio-  
 nes Regi ejusque Senatui tam validæ  
 videbantur, ut Jesuitæ non modo a  
 Claromontani, sed etiam Engolismen-  
 sis Collegii spe exciderent; Reger e-  
 nim Senatus Ludovici XIII. jussu in  
 Universitatis Parisiensis favorem con-  
 tra Jesuitas die decima nona Septem-  
 bris pronuntiabat sententiam, vi cujus  
 pactum de Ecclesiæ Engolismensis præ-  
 benda ad Jesuitarum Collegium unien-  
 da irritum fuit declaratum, omneque  
 jus ad Universitatem hac in urbe eri-  
 genda Jesuitis ademptum est.